

Ang Pagsimba nga Ginabaton sang Dios (Bahin 1)

Ginbase sa kapitulo 15 sang libro nga *Ano Gid ang Ginatudlo sang Biblia?* nga makita sa jw.org/hil.

KATUYUAN: Mabinagbinag ang imo mga ginapatihan kag kon ngaa ginapatihan mo ini, mausisa ang ginatudlo sang Biblia, kag makita kon paano mo mapaathag ang imo ginapatihan sa iban.



ANG TANAN BALA NGA RELIHION GINABATON SANG DIOS?



BINAGBINAGA ANG IMO MGA GINAPATIHAN

Ngaa mahimo magsabat sang huo ang iban?

Ngaa mahimo magsabat sang indi ang iban?

Ano ang *imo* ginapatihan?

Ngaa ginapatihan mo ini?

Kinahanglan gid nga ang aton paagi sang pagsimba ginabaton sang Dios.

(Tan-awa ang kapitulo 15 sang libro nga *Ginatudlo sang Biblia*, parapo 1-4.)

Basaha ang Mateo 7:21-23.

Suno kay Jesus, ngaa indi bastante ang *pagsiling* lang nga nagatuo kita sa iya ukon sa iya Amay?

Basaha ang Mateo 7:13, 14.

Ngaa indi kita dapat matingala nga wala makita sang kalabanan nga tawo ang matuod nga relihion?



Kon makilala mo na ang matuod nga kuarta, mabal-an mo na kon ano ang peke. Pareho sini, kon makilala naton ang matuod nga relihion, mabal-an naton kon ano ang butig

Ang aktibo nga mga miembro sang matuod nga relihion makilala paagi sa ila pagtuluhan kag paggawi.

(Tan-awa ang kapitulo 15 sang libro nga *Ginatudlo sang Biblia*, parapo 5-14.)

Basaha ang Salmo 83:18, Mateo 20:28, kag 2 Timoteo 3:16, 17.

Ano ang ginapatihan sang matuod nga mga Cristiano parte sa Dios, kay Jesus, kag sa Biblia?

Basaha ang Mateo 24:14, Marcos 12:17, kag Juan 13:35.

Paano ginapakilala sang katawhan sang Dios ang matuod nga relihion paagi sa ila adlaw-adlaw nga pagkabuhi?

Kumbinsido *ka* bala nga ang mga Saksi ni Jehova amo ang matuod nga relihion? Ngaa?

3

IPAATHAG ANG IMO GINAPATIHAN

KON MAY MAGSILING...

May maayo gid sa tanan nga relihion.

MAHIMO KA MAGSABAT...

Matuod gid man nga may sinsero nga *mga tawo* sa kada relihion. Pero nagapati ako nga isa lang ka relihion ang ginabaton sang Dios kay...

Ano nga bersikulo ang puede mo ipabasa sa iya?

Base sa iya sabat, paano mo ipaathag ina nga bersikulo?

KON MAY MAGSILING...

Miembro ako sang isa sa pinakadaku nga relihion sa kalibutan. Indi puede nga sala ang ginapatihan sang amo sina kadamo nga mga tawo.

MAHIMO KA MAGSABAT...

Amo man sina ang ginapatihan sang madamo nga tawo. Pero wala ako nagapati sa sina kay...

Ano nga bersikulo ang puede mo ipabasa sa iya?

Base sa iya sabat, paano mo ipaathag ina nga bersikulo?